

永平府志卷之十八

人物志四

忠烈

唐

陽惠元平州人以趨勇奮事平盧軍從田神功李忠臣浮海入青州詔以兵隸神策爲京西兵馬使鎮奉天德宗初立稍繩諸節度跋扈者於是李正已屯曹州田悅增河上兵河南大擾詔移兵萬二千戍關東帝御望春樓誓師因勞遣諸將酒至神策將士不敢飲帝問故惠元曰初發奉天臣之帥張巨濟與衆約是役也不立功毋

永平府志

卷之十八

忠烈

一

飲酒臣不敢食其言旣行有饋於道惟惠元軍瓶壘不發帝咨歎不已璽書慰勞俄以兵三千會諸將擊田悅戰御河奪三橋惠元功多以兵屬李懷光及朱泚反自河朔赴難解奉天圍加檢校工部尙書攝貝州刺史詔惠元與神策行營節度使李晟鄜坊節度使李建徽及懷光聯營便橋晟知懷光且叛移屯東渭橋翰林學士陸贄諫帝曰四將接壘晟等兵寡位下爲懷光所易勢不兩完晟旣慮變請與惠元東徙則建徽孤立宜因晟行合兩軍皆往以備賊爲解趣裝進道則懷光計無所施帝不從使神策將李昇往伺還奏懷光反明甚是夕



奪二軍惠元建徽走奉天懷光遣將冉宗馳騎追及于好時惠元被髮呼天血流出皆袒裼戰而死二子晟暉匿井中皆及害建徽獨免詔贈惠元尙書左僕射晟殿中監暉邠州刺史少子旻字公素惠元之死被八創墮別井或救得免歷邢州刺史盧從史旣縛潞軍潰有驍卒五千從史嘗以子視者奔于旻旻閉城不內衆皆哭曰奴失帥今公有完城又度支錢百萬在府少賜之爲表天子求旌節旻開諭禍福遣之衆感悟遂還軍憲宗嘉之遷易州刺史王師討吳元濟以唐州刺史提兵深入二百里薄申州拔外郭殘其垣以功加御史中丞容

永平府志

卷之十八

忠烈

二

州西原蠻反授本州經畧招討使擊定之進御史大夫合邕容兩管爲一道卒贈左散騎常侍

唐書

元

周宏字希道遷安人尹真定無極調遼陽寧昌俱有惠政至正間調昌黎撫字有方利澤及人平章程思忠亂據永平宏率民拒守城陷被執宏七日不食罵不絕口而死崇祀鄉賢

明

高德撫寧人洪武初歸附從征累立戰功除授副千戶十四年奉調征雲南金齒衛等處所至奏績十五年八月



進攻阿白寨奮擊力戰死之及雲南平事聞詔封明威將軍都指揮使世襲指揮僉事

李光啟樂亭人其先李卜當洪武間戍陝西平魯衛後有功陞百戶世襲光啟性忠孝有才幹累陞京營都指揮使贈其先爲鎮國將軍歸祭先塋爲樹碑給族人衣陞宣鎮葛峪叅將嘉靖丙戌敵數突入侵苦居人啟憤焉一日警至率所部兵疾馳圖殲之未及爲陣敵四至大呼殺入啟被縛引去困飢不得死因給敵曰我爲帥第引我亭障下當有贖者敵果引至亭障下啟罵曰爾宜殺我我非不肯死慮中國人疑我真降爾徒負辱國大

罪幸毋贖我敵大怒遂支解之事聞詔立祠春秋祀焉見宣鎮忠烈傳

周建撫寧衛指揮僉事成化十六年管界嶺駐操營事三月鹵入寇叅將王宣督令截殺至白石店奪回被擄人畜燒敵車輛回至椴木嶺伏賊突出前賊復回夾攻戰衄賊欲取建甲衣喝令脫不從猶以刀傷賊臂羣怒爭刃之事聞詔加寔授指揮同知世襲

才寬遷安人登成化戊戌進士由縣令歷郎署太守方伯都憲轉工部侍郎以不附閹瑾出爲陝西總制加工部尙書軍法甚嚴部將怯懦輒以巾幗恥之臨陣躬親督



戰奮不顧身遂遇害上爲輟朝哀悼諭祭贈太子少保  
諡襄愍仍廕子世襲錦衣衛百戶崇祀鄉賢

張世忠字顯甫別號平山山海衛副千戶忠貌不逾中人  
而神爽英發總髮時以世胄襲職嘉靖丙戌會武試登  
孫堪榜加授署指揮僉事尋掌衛篆遷秩守備天壽山  
歷陞大同中路叅將嚴整步伍數立戰功調援有奇捷  
得實授正千戶緣邊事呈誤聽勘回籍未幾西郵告急  
本兵疏名上請特命移守偏頭關頻年失利人爲忠危  
之忠躍然曰此吾報國之秋也嘉靖二十一年太原警  
忠與諸將分五哨進敵盟互援適遇敵于六支村忠麾

永平府志

卷之十八

忠烈

四

下健卒僅千人挺身血戰自巳至酉矢石俱盡後援不  
至敵且增輕騎合圍射忠中額尋殪其馬忠猶跨墻對  
射矢透忠衣袖死之事聞賜祭塋贈右都督諡忠愍

陳舜撫寧衛指揮使任黃花鎮守備嘉靖二十五年三月  
敵入寇舜奮身率輕騎持短兵截戰敵衆我寡死之事  
聞詔加都指揮僉事

魏琦遷安庠生嘉靖三十六年兵變琦率鄉人保守兵至  
琦手刃二人旣而衆兵羣合遂被執琦罵不絕口而死  
當事大加嘆異命有司周恤給塋焉

湯呈芳字桂林山海衛人由恩貢授魯山令丰容偉幹居



官平易時土寇蜂起與衙胥結通芳知事不克濟冠帶坐堂上賊環侍不忍加害出入數四始戕之爲具棺斂停喪後其弟往收其屍經年啟視面貌如生事聞贈汝

州知州

縣志

薛三桂盧龍人萬歷庚子舉人雲南永寧州知州遭奢囚之變死難贈按察僉事

縣志

李國梁山海衛指揮體貌豐偉膂力絕倫從杜將軍松渾河大戰没于陣以功加陞都督指揮僉事

高如崧東勝衛千戶萬歷中任石門路千總時泰寧寇花場峪佯令數騎討戰主將輕出敵伏起陷圍如崧奮勇

永平府志

卷之十八

忠烈

五

力鬪出入陣中者三敵攢射落馬剖其心而死事聞贈加二級世襲指揮同知

李國棟山海衛指揮體貌豐偉膂力絕倫萬歷間從杜將軍松出塞與我

大清兵渾河大戰没于陣以功贈都指揮僉事子鳴崗襲廕

邊萬里山海衛百戶以都司管中軍事崇正己巳入衛京師行至薊州五里橋敵兵掩至據橋大戰自未至酉身被重創力戰死

焦慶延盧龍衛人由世胄任居庸叅將操守廉介居官嘗



賈田自給事母極盡孝道兵備道張公春恒稱之曰武將若慶延何愁不得將士心耶歷任三屯副總兵稱廉孝將軍崇正庚午慶延閒住適敵至戰死俾間贈光祿大夫驃騎將軍勅祀武廟表忠祠

韓原洞字開之少爲諸生詩文有奇氣當郊原多故嘗慷慨悲歌慕古人以身殉國之義崇正庚午力捍危城出金犒師知不可支乃爲忠國論置懷中赴鬪而死事聞祠祀

張國翰東勝左衛指揮僉事歷任營衛有聲庚午敵陷府城從容酌酒俾其子逃生同妻韓氏縊死詔建祠旌表

永平府志

卷之十八

忠烈

六

廖汝欽盧龍人中書舍人庚午之變汝欽守奎樓死之勅祀表忠祠

楊爾俊盧龍人汝寧通判庚午城陷不屈遇害勅祀表忠祠

陳靖華東勝衛指揮掌永平衛印興屯利國撫綏有方庚午守東城死於難長子君錫由貢生任淮安睢寧縣知縣次子君任陝西總督內司遊擊

牛星耀伏耀光並盧龍人英勇過人弓馬熟嫻爲忠武營千總庚午之變殺敵甚多俱陣亡

石可玩盧龍人時爲千總庚午城陷閉門闔室自焚



周祚新永平庠生庚午城陷視妻與子女等先縊乃自縊  
死遺火焚宅

胡承祚張學閔皆盧龍人庚午爲城千總城陷戰死堞間  
胡登龍盧龍人庚午城破登龍義不求生攜子生員光奎  
暨闔門男婦俱投火中而死

羅世傑永平生員庚午之變有弟三人曰竣曰埰曰圻一  
人守家三人守城城陷皆死於戰守家者亦自殺

田種玉子福元皆盧龍庠生庚午城陷闔宅自焚其侄士  
儁城將陷赴戰死於東城上

馮繼京永平庠生端方厚重能詩文善騎射稱文武才庚

永平府志

卷之十八

忠烈

七

午城陷自縊人救免之叱曰偷生吾不忍爲夜復縊而  
死弟聯京短小精悍守城有膽氣戒衆勿退及持戟衝  
敵連刺三人因大隊先登死于陣間兄弟並祀表忠祠  
卜小峯城守千總庚午之變戰死

梁壯威盧龍人千總庚午城陷人勸之去壯威曰守死于  
此吾事也何去爲奮勇臨敵射不虛發會矢盡持短兵  
接戰死亂兵中祀表忠祠

房應祥城守中軍庚午督鄉兵巡城城陷血戰而死

李光春丁應掄李文燦胡起鴻劉可足皆盧龍庠生及武  
生張鴻鸞醫官陸橘郡民李應陽張俊郭重光張宗仁



張禮李大敬張尙義傅守望俱死於庚午之變以上盧龍縣志  
韓原性盧龍廩生有學行喜獎拔後進千里之內負笈從遊者甚衆庚午守榛子鎮不屈死

呂鳴雲山海衛人孝廉鳴夏之弟武健材勇以守備爲揚武營中軍庚午守郡城戰死追贈遊擊將軍

楊開泰山海衛百戶郡城失守泰以本路把總率兵偵探至榆關西遇敵對射死之

楊廷棟山海衛百戶少以勇力稱爲揚武營千總郡城破奮擊死之

張汝恭灤州廩生庚午州城陷死難祀表忠祠

永平府志

卷之十八

忠烈

八

高應見遷安人庚午兵變飲毒而死督撫章題旌表

蔡國勳山海衛千戶率兵恢復遵化偵探遇敵奮勇直前戰歿于陣閣部孫承宗題卹贈指揮僉事

嚴大寬山海衛千戶從總兵趙率教應援遵化中途遇敵衆潰大寬力戰不退死之

周昌會李崇樂張三張守霜劉極楊狗子鄭應秋邱小月洪保兒馬九哥孟之奎張福兒孫鳴海于守道趙世祥

高聲駿卜云吉郭來貴張友貴鍾五兒翟三龔自學李蕃枝單應武朱可昌梁民樂于守通梁世文王六兒劉

君福孫三孫來哥王國臣李思謙張六指郭得哥王大



才王六周德純齊福拽梯郎君失其姓名並昌黎人崇正庚午守城死事巡撫楊嗣昌檄縣刊石豎碑有司春秋致祭今祀於忠義祠

王肇桓興州衛人中軍都督府都督同知崇正末年遭寇亂合門墜井死

馮運隆字翊明灤州人由明經任河間訓導壬午冬流寇至隆守陴力戰城陷不屈死

王際明撫寧人秉性剛直言行不苟由明經任清河學博陞沔縣令未半月遭寇襲城士民驚散明執鐵鎗率家人對敵賊多有中傷者明爲亂矢所困猶血戰不屈賊

永平府志

卷之十六

忠烈

九

懼乃却尋復挾忿糾黨嚴攻七月不下積勞成疾告休還里路經臨清之變誓不倖生登樓自焚山左撫按交章入告部覆方下闖賊陷京未沾卹典

王之心字鑑吾灤州人司禮監太監博學精翰墨監督薊永力杜餽遺免文吏庭謁崇正甲申都城陷心同御馬監太監王承恩侍帝縊于煤山一時稱兩中貴殉義心弟之仁任蘇州總兵順治二年率所部入海見事不成復登岸詣督師洪公請死曰某海中自裁人未我知特來求明白死耳從容就刑可謂兄弟合節矣

程繼賢號敬庵山海衛人由貢監初授中書舍人歷尙寶



司卿封朝議大夫賢事親不諉諸兄父百歲具奏建坊  
完兄產撫兄子時以孝弟稱且敦篤友誼生死不渝請  
除催頭之弊功在梓里年踰七旬居鄉謙抑甲申守官  
都門不臣逆闖捶幾死僑寓天津土寇忽起賢獨不屈  
竟遇害

國朝順治庚子本衛士民公請入祀鄉賢

李友松字赤仙山海衛庠生性剛毅有學識崇正甲申春  
流寇薄城勢甚危急松慷慨倡義率庠生高輪轂譚邃  
寰劉泰臨鄉耆劉臺山黃鎮菴赴營說賊緩軍遂遇害  
然城卒賴以完

永平府志

卷之十八

忠烈

十

國朝錄功廕子棲鳳爲貴州思州府經歷

縣志

國朝

呂鳴夏字九三山海衛人明萬歷乙卯舉人天性孝友弟  
鳴雲歿於王事遺孤幼稚撫訓成立輿論重之初仕清  
豐教諭繼補束鹿訓課有方陞真定郡丞分駐宣鎮以  
抗直取忤掛冠歸里明末賊逼關門夏家居佐義殲寇  
我

朝定鼎錄功補衛輝郡守時天下初定撫安百姓政績稱  
最擢僉憲備兵固原值降將武大定等謀叛以兵脅夏  
不少屈歷數其罪罵不絕口遂遇害事聞



勅賜祭葬贈光祿卿廕入祀鄉賢

馬維熙字天御山海衛人拔貢生順治三年錄功授忻州同知署偏關西糧廳篆值姜瓖之變山右一帶搖動偏關闔城皆從逆公獨不屈乃囚公別所遣人守伺久之守義愈堅遂加害事聞贈忻州知州

張師聖遷安人讀書善騎射以將才任金吾守備陞靖海叅將簡練軍士整飭防汛數年海上肅清順治中陞山東登州副總兵未離任海寇旋發督撫令將兵進討没于陣

詔廕卹

永平府志

卷之十八

忠烈

十一

劉良臣字心伯永平衛世襲以軍功授遊擊勦平流寇歷陞甘肅總兵掛平羌將軍印卒於陣贈右都督進光祿大夫子澤洪總兵襲廕

崔尙樸盧龍庠生被俘至遼改姓名李嘉賓應試復入庠國初授新蔡令清廉慈愛邑人尸祝之陞南康郡守遇金王之變鳩衆堅守城守備內叛遂被執罵賊求死不得偕配吳氏投繯死事定議贈廕惜無子

陳柱國盧龍人康熙十一年任樂亭駐防把總盜伺縣尹公出詐爲行客入城肆劫柱國挺身與鬪中流矢被獲縛令導引柱國裂眦厲罵遂遇害事聞



詔賜銀百兩襄葬事

張朝臣字鼎望山海衛人武進士任浙江處州協都司康熙四十七年遂昌縣土賊作亂臣率兵赴勦至大拓崖高路窄僅容一騎臣不避危險奮勇身先殺賊被創死事聞

詔贈都司僉事加一級賜祭葬廕一子衛千總

孝義

遼

齊陶馬城人天性純孝字于閭里壽昌間徵授石城令遷明威將軍

永平府志

卷之十八

孝義

十一

金

吉士寬尹吉甫裔也南漢太守格之後五代徙居灤州宜安里事親最孝富而好施贈昭勇大將軍

葛宏灤州人金末歲饑竭力贍卹全活數百人元辟爲石城縣尹

元

龐遵盧龍人母病三年不能起思食魚遵求於市不得悲嘆而歸忽有魚躍入舟中作羹以獻母食而病痊

縣志

李彥忠盧龍人性至孝父喪廬墓八年足跡不至於家至治中旌表



按舊志及盧龍縣志並作至治中旌畿輔志作宏治  
中恐誤

任伯仁灤州人南麓六世孫讓產於弟伯義伯禮孝友出  
至性元貞中授銀符進義副尉武魏親軍百夫長

路進興字通舉灤州人大德間隨伯顏破賊不避矢石累  
獲大功受勅牒印綬賜敦武校尉辭歸奉母務盡菽水  
之歡母卒饋粥編素哀毀踰禮鄉人以孝稱焉

明

韓孝子舊志失名樂亭人居鄉廉讓與人無競竭力以奉  
親洪武間題旌

縣志

永平府志

卷之十八

孝義

十三

姚清徐俊石敬俱樂亭人景泰三年灤水暴漲歲饑民多  
流亡各捐粟八百石助賑事聞詔旌所居曰尙義之門

雜志

宋會董全周清楊玘俱遷安人景泰三年歲大饑各出粟  
八百石以助賑詔旌表其閭立尙義坊

縣志

馬麟呂信俱盧龍人景泰三年各輸粟八百石賑濟詔旌  
其門

高信與才震俱昌黎人景泰三年各出粟八百石賑饑有  
詔旌表其門立尙義坊

許敬撫寧人景泰三年出粟八百石賑饑事聞詔旌其門



立尙義坊

翟昊撫寧人天性溫厚與物恂恂人有悔者受而不報遇顛連疾苦者常解衣推食以周之祀鄉賢

田紳樂亭人庠生景泰初以親老陳情于督學使者求侍養父歿哀毀踰禮既葬自跣足負土母終亦如之封土巋然可望數里有司請旌未果

馮欽字師堯其先浙江海鹽人祖寧明初遷灤爲歲貢任范縣主簿清勵至無以歸生子源授忠義官欽茂穎強記弱冠餼于庠就例遊太學交四方雲彥推解以急友朋正德中仕京衛經歷見逆瑾肆虐解組歸人以爲知

永平府志

卷之十八

孝義

十四

幾源訓子常曰富者怨之府人已嫉之從而驕人事端起矣欽能守父戒故推誠施與閭里被其澤焉

王天相撫寧人好施樂善不遺餘力本縣扁旌其門曰泉石幽貞

馮守業撫寧人尙義樂施常捐貲活貧輸粟救荒士夫高其行誼

楊念撫寧人治家嚴肅一門雍睦七代不分本縣扁旌曰七世同居

麴祥字景德永平人永樂中父亮爲金山衛百戶祥年十四被倭掠國王知爲中國人召侍左右改名元貴遂仕



其國有妻子然心未嘗一日忘中國也屢諷王入貢宣德中與使臣偕來上疏言臣夙遭俘掠抱釁痛心流離困頓艱苦萬狀今獲生還中國夫豈由人伏乞賜歸侍養不勝至願天子方懷柔遠人不從其請但許給驛暫歸仍還本國祥抵家獨其母在不能識曰果吾兒則耳陰有赤痣驗之信抱持痛哭未幾別去至日本啟以帝意國王允之仍令入貢祥乃復申前請詔許襲職歸養母子相失二十年又有華夷之限竟得遂其初志聞者異之

明史

楊珍撫寧人克供子職母早逝事父惟謹侍食侍寢無怠

永平府志

卷之十八

孝義

十五

內外咸以孝子呼之父疾篤醫藥罔效口嘗其便知不能起遂治後事如禮及葬廬于墓側負土築墳三年乃歸

金鏞撫寧庠生父禧早逝母高氏守志撫孤凜松栢操鏞性孝負米採薪勤于供養母恙卽憂見于色焚香祝天願以身代進食必先嘗其寒熱雖貧嘗奮志讀書由恩選官光祿寺署正乞歸終養母節子孝萃于一門

朱輝盧龍庠生母程氏亡晝夜號泣哀毀骨立廬墓負土成塚及期白狼馴擾不去有燕來巢穀雙岐之異撫院給近墳山場環五里許官爲植樹成化甲辰題旌以歲



貢爲任邱訓導

吳思文灤州人輸粟救荒成化五年詔賜七品散官

王信撫寧衛人進士王邸祥之祖也成化七年大飢出粟  
八百石賑濟

李福灤州人于成化七年爲義塋凡不能塋者舉之

徐禮灤州人成化間隆冬時施衣每歲行之不倦人懷其  
惠

王淵盧龍人幼喪父其母陳氏守節至七十餘卒淵廬墓  
三年日三坏土高塚巋然在望

朱國賢宋德詔蕭大用俱盧龍人親喪廬墓三年有司獎  
之

永平府志

卷之十八

孝義

十六

李士傑興州衛人爲諸生時聘陳氏女女後失明或勸其  
更聘傑竟娶之人欽其義宏治中登賢書

馮恩昌黎人仕州同律已廉明娶里人郭姓女自幼目瞽  
誓不更娶鄉里賢之

安民字修已灤州人宏治已酉舉人授兵部司務歷戶部  
郎中引疾乞休加四品服色歸初父和尹大同卒于官  
民幼扶櫬還事母周氏曲盡懽愉母卒廬于墓慟毀三  
年未嘗近帷室鄉人稱孝焉

劉甫樂亭人自明初至宏治間六世同居凡內外婚葬禮



儀必均俱無後言已未巡按御史張黼嘉其賢命知縣田登旌其廬

張雲鵬山海衛人父病夜不假寐湯藥親嘗父歿敦古禮廬墓三年

趙文舉山海衛人幼極孝母患疽痛不可忍醫皆云不治舉虔禱于天母獲痊家素窘居常奉母卽富者不能過云

王臣樂亭人父茂有孝行臣善楷書郡辟爲從事有罪人通路求逭臣指天自誓郡守賢之每疑獄輒召與議能白人冤亡何奉母柩歸里山水暴至舟幾覆臣撫柩悲

永平府志

卷之十八

孝義

十七

號竟無患若神助焉有客懷二十金欲糴粟入市遺金哭之悲臣憐助之年四十七未舉子往禱泰山夢神告曰以吾二子與爾踰年生太守好學又三年生尙書好問若與夢符以二子貴累贈至南京戶部尙書

蕭富樂亭人少孤事母孝母卒富供王事不在側歸而痛極嘔血終身言及淚泣泣下以祖居讓伯仲而自居他所嘗爲府吏廉而有陰德旣歸省卽隱不仕嘉靖丁酉大饑鄉人求貸乃轉貸之負累代償絕不掛齒其重義輕利類如此始艱嗣後連舉四子長雲漢博學工古文詞貢遊太學授大同通判累薦考最陞河東運同致仕



歸贈富如其官

劉會灤州人嘉靖十六年輸粟一千石賑饑

高漢樂亭人六世同居嘉靖十六年知府劉隅獎之

王榮遷安人由明經任榆林訓導未幾乞休居鄉友睦嘗買人田人不忍舍輒毀券無難色

高玉灤州人貲頗富嘉靖二十五年施義田并糧二千石以周貧乏

陳慎灤州人孝義令陳情弟事母至孝營漏澤園共施地六畝于福君廟東北里許

溫欽樂亭人性篤實與人無競非公罕至城市貧而樂善

永平府志

卷之十八

孝義

十八

卓有古人風年至百有餘歲嘉靖間匾其名於旌善亭蕭韶鳳山海衛人年十九父病蠱迎醫視之曰得樟柳木根可愈城中求之不獲或告以產於海陽時石河水暴漲不可渡韶直前往覓家人止之泣曰父病篤阻水而止於心忍乎竟涉至中流溺死三日尸浮於海君子重其孝而哀其愚

張懋勛山海衛人都督世忠子也痛父歿於王事每語及輒流涕事孀母三十餘年孝養備至母卒哀毀骨立廬墓如禮

馮恩孚樂亭人歲貢事親稱孝曲爲承順有老萊風母性



嚴刻孚畧不違意待人謙和無忤未仕卒

王永昌樂亭人家富好施能周人急鄉人稱貸有以田廬爲質多負而私轉鬻昌不與競又嘗捐地爲義塚其轉粟輸金輸工役以佐公家者不勝紀

張自鎬樂亭人歲貢性謹厚事親最孝母多任性鎬每幾諫久亦感悟鄉人稱焉

侯顯昌黎人國學生尙氣節敦朴素父母雙亡俱廬墓側鳩巢于舍芝生于塚

孫渤昌黎人幼喪父事母最孝母死廬墓哀毀如禮

傅夢良山海庠生性純篤事母孝母歿哀毀骨立旣葬廬

永平府志

卷之十八

孝義

十九

墓側秋夏霖雨累日廬中水盈尺不爲動

王尙賢昌黎人行人翰之子性孝友堂弟郎中尙直之嗣以次孫承祧而不利其產居鄉恂恂仁恕因號恕齋由明經知富平縣有名及歸囊橐蕭然不異寒素孫之屏登萬歷辛卯鄉薦

馮餘慶灤州人由明經授西華令一塵不染捐貲千金建長橋于治郭以利涉歸施義田用濟貧族以孫運泰貴贈同卿

石璞灤州人賦性醇厚立心寬和人有急難多方周恤而毫無德色推誠布公不吝不爭每以棲畝之餘割共隣



族牛豕犯田者飽飼歸之詩書以訓後昆有先民矩矱焉以子維嶽貴贈中憲大夫孫申貴晉贈通議大夫少冢宰

楊騰遷安人爲諸生幼孤母病日以舌舐之而愈及沒廬墓三年有冰花結於盆儼如樹下人拜伏墳前之象已而芝草生焉隆慶中上聞詔立純孝格天華表于通衢仍給冠帶榮之

畿輔志

劉文煥字世英樂亭人幼孤事母至孝妻盧氏亦孝於姑姑病籲天請代冬著單衣者三年病果痊及姑歿欲廬墓文煥止之曰此爲子事也自廬墓三年每日覆土者

永平府志

卷之十八

孝義

二十

三墳可望數里嘗鑿井於墓旁汲以自爨不數尺泉水湧出人號爲孝泉云

縣志

蔣盛遷安人廬父墓三年詔旌表其閭

韓瑛遷安人廬母墓三年日哀痛覆土三次母墓成邱深山獨處有虎衛之冬產瑞芝詔立孝感坊

郭純學撫寧人樂善好施明萬歷間值歲荒捐米賑饑本縣旌其門

王華遷安人銳曾孫隆慶中輸磚十萬灰五萬修縣東城萬歷十五年大饑出粟八百石助賑詔立尙義坊

高吉昌字介幾灤州人貢生少負異穎目下數行生平喜



駿馬善方罫射獵之藝重然諾通緩急賑凶荒累世之積盡公于鄉族有文正父子之風以子貴贈資政大夫兵部尙書

王克勤灤州庠生事繼母以孝聞萬歷十三年學按兩獎其間

穆思文山海庠生事繼母盡孝有二弟俱繼母出財產必均後二弟家窘又爲弟之子給產婚娶督學汪公應元疏請建孝義坊

王士侗山海庠生敦樸謹慎天性孝友父從政知山東萊陽縣以持正忤當事被誣繫獄侗偕弟偉搗登聞鼓劾

永平府志

卷之十八

孝義

三

頸力救卒白父冤

任白永遷安人三歲孤母郭氏孀居撫永成立永幼事母以孝聞及沒哀毀踰禮旣殯廬于墓朝夕哭奠三年如一日

楊有成撫寧庠生八歲喪父已知哀毀及母有疾湯藥親奉卒之日漿水不入口及葬廬墓側茹蔬啜粥負土築墳日三哭奠歷寒暑不輟卽邊警亦不少動舊有枯松復活禽鳥棲巢于上人皆謂純孝所致

袁卉撫寧人素敦孝行母蚤逝及父歿廬于墓側三年蛇馴葦次地忽湧泉共稱孝感



高向辰字欽隣第長子廩生事繼母許夫人竭哀盡誠扶  
櫬步行百里友愛諸弟若不知爲異母者推誠任俠助  
友至數百金不惜年四十二卒里人罷春名士會葬者  
不遠數百里而至世家子弟稱最賢而文者

崔赴闈字名臚盧龍人庠生博學善屬文小試屢冠軍以  
軀幹豐偉號舍不能容遂絕意仕進性好周卹尤愛惜  
文士族孫及第家貧力學赴闈閱其文許必售資助應  
試且予粟二石曰速釀酒以宴賀客果登鄉薦乙丑捷  
南宮兄之孫啟亨少孤收養之爲擇師教訓是歲亦列  
賢書遷安郭鞏甚貧衣履弗完延之家給衣食且授以

永平府志

卷之十八

孝義

三

成宏正法鞏遂早捷由給諫晉少司馬嘗予告歸來謁  
留之飯粗糲不異昔時鞏歡然語人曰吾師以古人待  
我矣因乏嗣子弟之子然弗材是時年已古稀又病足  
痿鞏肩輿逆致其家察精神猶健勸納繼室笑曰世豈  
有七十翁壻人者乎不許然鞏已密聘王氏室女至期  
大驚辭之不能遂合卺焉生子巍及卒時巍甫六歲  
穆大任山海庠生至性純篤父蚤逝事母以孝聞母歿躬  
廬墓側值兵變鄉人居村落者皆入城避亂大任獨守  
墓不忍去

鄭中選字佐明始祖甫智以御史直諫謫灤州因著籍焉



天性純孝不冠幘弗敢見父母遭喪哀毀盡禮以孝誼  
徵辟遷文登令清介自矢士民繪屏尸祝失上官意罷  
歸居鄉力行善事至今稱之

蔣盛韓瑛楊騰俱遷安庠生各以廬墓奉旌

張廷佐遷安庠生性至孝父疾不解衣帶者五旬餘又失  
明佐禱神以舌舐之愈及歿夜依柩側風雨不避奉母  
終身孝養彌至

孫國賢撫寧人以廬墓奉旌

高應辰字欽明尙書第仲子不敢以貴介忤物讀書莫測  
其蘊以官生任戶部照磨督犒援兵城下椎牛割羊乾  
餽芻茭一手拮据勞瘁骨立值父喪痛躄奔赴逮塋嘔  
血數升三月而卒鄉里哀之

徐應登字子科撫寧人敦行孝友不昧孤姪遺金鄉黨推  
重以明經授真定廣文教人先德行而後文藝弟子佩  
服不諛

國朝

夏曰瑚灤州庠生父輔明于崇正九年隨叔建中之扶風  
縣佐任死于流寇家人負骸骨歸瑚甫五歲賴母聶氏  
苦節撫訓遊庠自幼事母曲盡孝道母病密爲嘗糞及  
歿哀毀逾常七日不食竭蹶殯塋于墓側日夜哭泣



哀感行路及三年歸猶日三至墓呼母不應號泣反至老病必扶策往雖風雨無間

劉光裕號小峯遷安人居鄉樂施尙義慈愛謙恭撫孤姪嫁族女助喪賑饑盛德積累鄉人號之曰劉佛以子鴻儒貴贈兵部右侍郎入祀鄉賢

張宗仕灤州人幼失怙事母盡孝及長喜讀孫吳書任俠好施明崇正時從兵備張春軍中屢戰有奇功授明威將軍順治壬辰癸巳間歲頻饑兩次輸粟一千八百石有奇賑濟賴全活者無筭郡守旌其門曰惠溥一方舉鄉賓又嘗捐渡船二隻水手四人置青沱河口以濟行人遠近咸感其德子起鯉任河防州同孫瑛食餼州庠孝慈接武咸謂積德之遺云

永平府志

卷之十八

孝義

十四

韓坤業字子厚府庠生父原潔崇正庚午歿于兵燹母王氏苦節四十年撫坤成立自幼事母盡孝內外無間言母歿廬墓三年哀感行路日手抔土高塚巍然康熙九年題旌建坊

崔聯芳字子宗山海衛人父出遊五年不歸順治丙戌應順天鄉試榜未發聞父凶信不知死所日夜號哭幾不欲生比揭曉已膺鄉薦不顧歷四省尋屍若有神示於河南確山縣得之負骨歸葬咸稱爲誠孝所感兩經部



選高隱不仕年八十卒

趙天錫昌黎人順治辛卯舉人事祖母至孝二親病卧三十餘年躬侍湯藥始終無倦康熙五十三年祀鄉賢

歲輔

志

趙名元撫寧庠生母卒廬于墓側晨昏哭奠三年始歸康熙二十年奉旌

劉從性撫寧人性至孝母年八十二卧病不起性刲股禱神病遂愈

徐從新撫寧庠生母性嚴從新恪恭承順生平任俠急公人服其義本縣扁旌其門

永平府志

卷之十八

孝義

三五

徐進孝撫寧人父患心疾貧不能延醫禱神許愿疾愈愿莫償疾復作進孝剖胸前肉如掌禱還神愿疾竟瘳以肉掛廟樹上經數月不腐鷹鳥亦不忍食咸謂至孝所感有司表其閭

馮泰運字熙軒撫寧人由貢士任溧水令吏治精敏嘗捐貲二百餘金助修撫寧學宮并製銅冶祭器以肅陳薦若爐若瓶磬若劍若勺與夫籩豆簠簋尊爵之屬共二百四十二件云

遲震起字茂先昌黎人少食貧事親以孝聞居喪哀毀骨立後入太學不樂仕進生平謙和樂善無疾言遽色宗



黨咸以長者稱之子二長日旭爲浙江浦江令嗣宰湖  
廣黃梅起以子貴 勅封文林郎次日昶歲貢生

王監字于隰灤州人性嚴重不苟嘖笑生平重然諾樂獎  
後進而尤敦族誼凡婚喪藥餌棺物及急難事施濟難  
更僕數千孝義節烈更加意曲成與人交不以死生變  
易年八十卒進士汪公淑問爲著考終錄事甚悉子四  
伯仲早世次代出繼季遂功府庠生

張應宿昌黎貢生長沙郡守翰宸公子性慷慨重然諾恤  
貧周急毫無德色舉鄉飲

徐進禮字天一山海衛人賦性醇樸少貧以勤儉力自振  
永平府志 卷之十八 孝義 三六  
興與人交忠信和易尤篤友愛兩弟早世遺孤穉齡撫  
翼教誨二十餘年同居無間年及七旬未嘗一至公庭  
有古君子風

馬德盛樂亭人販茶爲生有至性居家孝友奉嗣母甚謹  
母病盛在外聞之夜行百五十里抵家親調湯藥事兄  
如事父每事必稟而後行雖乏財而性喜施嘗赴市拾  
遺金待其人還之康熙二十六年舉鄉耆 縣志

姚延嗣字振公樂亭庠生大性孝友睦族撫孤多藉成立  
遇貧乏不能婚葬者周助無德色樂邑學宮頽壞首先  
倡修殿廡一新生平樂善好義類如此子采以選拔任



國子監學正 贈公如其官康熙二十九年奉文崇祀

鄉賢

劉文選樂亭人有事母不贍計鬻妻以供甘旨者選聞之給以緡米遂不果鬻然劉家計亦非素饒人謂鬻妻者不失郭巨之存心給緡者無愧元振之盛誼爲兩難云

樂亭志雜記

謝丕智字若愚山海衛人府庠生事親誠孝母病湯藥親嘗衣不解帶者兩月病轉劇乃焚香虔禱剖股投藥母遂痊康熙三十二年公舉孝行郡守梁公世勲旌其門

劉濼遷安人孝行純篤父母亡廬墓三年哀痛如初喪邑

永平府志

卷之十八

孝義

二十七

宰喬于瀛劉文煥皆給匾旌其門

縣志

宋濯遷安人少孤力耕以事祖母艱辛備歷事繼母曲得歡心竭力供三弟讀書俱入膠庠無異同母

縣志

陳德元遷安人幼孤貧長事祖母最孝祖母有疾率妻張氏晝夜祈禱湯藥必嘗時充行伍古北提督某壯其品授以標下把總元以祖母老辭不就士人賢之

縣志

郭重修遷安人家貧傭工養親菽水承歡康熙四十年其父病篤修籲天祈命願以身代病竟愈且友于性成竭蹶供幼弟龍岡讀書入庠鄉人重之

縣志

劉輝遷安人康熙四十一年路拾白金二百兩黃金二十



兩訪失金者還之縣令旌其門後舉鄉飲耆賓

李毓元字儲英灤州人慷慨尚義一諾千金家設義塾以訓族子歲解私橐以周親知急公排難之舉不可勝紀康熙四十二年出粟一千石賑濟復捐助義倉五百石大學士安溪李公光地撫直時給匾旌其門子楨綽有父風

吳元臣山海衛人性至孝母病危篤醫藥罔效乃焚香叩天剖股投藥中母飲遂痊康熙四十二年公舉孝行有司旌之

田毓琦字瑞生昌黎人性孝友具才幹家貧貿易生計漸

永平府志

卷之十八

孝義

三六

饒事父母養生送死及兄弟子姪衣食婚嫁成身任之嘗商于薊之上倉時河水氾溢堤將潰琦出貲募夫塞堤得免水患所保全者不下數千家子永乾中康熙戊子科舉人

王嗣昌字祖生盧龍庠生九歲失恃賴繼母陳氏撫育昌事之極盡其孝生平謙厚恬退課子義方子五長珍康熙丙戌進士仲季俱庠生

李洪燦號培菴其先山後六州人後徙樂亭幼孤能自堅立爲鄉里望嘗捐金創栗家灣坨石橋里人便之子本恭性誠篤不欺有人托白金數萬鎰權得浮金數千悉



還之無所利焉遇貧乏能推與不私其財舉鄉飲大賓  
本恭子拔幼遊庠序有聲後以父年邁尙行賈濟充間  
請代之計應責逋債遇貧不能償者悉還其券至今稱  
頌後以子蘭貴各 誥贈如其官 縣志

劉一蛟昌黎人貢生父病衣不解帶者三載事孀母承歡  
無間撫孤姪如子族人以貧鬻子女者一蛟爲措價  
出二十四口與婚嫁其他賑饑濟乏尤多義舉學以濂  
洛爲宗士類無不仰之康熙五十三年祀鄉賢 畿輔志

武天英遷安人監生恭順事兄撫姪如子親友貧者多周  
濟之康熙五十五年捐穀百石貯義倉其妻侯氏壽百

永平府志

卷之十八

孝義

二十九

歲 縣志

張一躍樂亭人順治間拔貢歷任紹陽萬載開化黃安令  
擢知黃平州悉有循聲以親老歸性孝友父應登尻下  
患毒頻死一躍口吮膿血殆盡而愈以兩兄子女多累  
一弟尙幼悉出已產讓之任紹陽時丁母艱湖撫以一  
躍撫綏有術欲題請奪情躍叩頭流血哀懇以免康熙  
五十三年祀鄉賢 畿輔志

王積善正藍旗漢軍監生居樂亭事親孝與人信臨財廉  
其父廷相任江南鹽城縣丞卒于官積善年方弱冠號  
泣奔喪扶柩旋里哀毀骨立安厝後廬墓三年本旗保



舉孝廉以母老待養辭不就旋蒙題請 旌表勅建孝

子坊 樂亭志

馬雲爵字龍翔昌黎人康熙乙酉舉人天性孝友甫八歲值母病泣禱於祖先求以身代手足之誼老而彌篤爲人誠慤醇謹寡應酌慎取與樸素自甘人每稱其儉德而性好施與樂善不倦康熙五十四年歲大饑煮粥以食貧者族黨中給升斗者無算嘗有人稱貸百餘金無力還償立焚其券康熙五十八年舉鄉飲大賓

劉元駟昌黎人素性仁厚樂善好施康熙五十五年施粥縣城歷有三月當事旌之五十八年施糧於開平西南

永平府志

卷之十八

孝義

三

魚朝等莊邑令徐某舉爲鄉飲者賓其子允中允升仰遵父志於雍正九年施糧於白官營等莊貧民普沾其惠允中候選經歷允升中乾隆戊午科副榜孫梧彤並登武科人咸稱爲積善之報

楊爾瑛昌黎人天性淳篤年五歲時其父震成謀生關外三十餘年杳無音信爾瑛常問其故輒涕泣不止棄家尋覓潦倒五年忽於三烏拉南關帝廟遇之負歸奉養邑人稱其孝焉

趙瑯昌黎人歲貢生樂善好施值歲荒捐粟五百石煮粥賑饑賴以全活者二千餘人府縣旌其門辭弗受



甯成臨樂亭人幼補弟子員援例入貢性醇謹居鄉樂善  
邑南關外木橋歲久將壓邑人議焚以石苦費巨莫舉  
咸臨首先倡之費錢四萬緡有奇子克昌善體父志行  
仁施義彌有加焉縣志

趙廷傑樂亭人性慷慨周人之急邑有死喪貧不能殮者  
施與棺槨三十餘年不怠前郡守縣令皆給額旌之縣志  
任正傳字介菴樂亭人世授岐黃術至傳尤精其業任醫  
學訓科施藥濟人全活無算尤急公尚義凡邑有剽建  
踴躍輸助爲士民先族黨咸矜式之縣志

李興官樂亭人國學生授縣丞職幼失怙恃勤儉起家凡  
永平府志

卷之十八

孝義

三

里中婚葬貧不能舉者求無不應里人德之縣志

李瑣字舒英樂亭人以優行入貢天性孝友二兄俱早沒  
兄嫂及孤姪無倚瑣收養之數十年如一日皆賴成名  
雍正三年舉賢良方正以親老不就縣志

韓世勳樂亭人晉子增廣生飭廉隅端操守教授生徒以  
奉甘旨父染疴疾日侍湯藥飲食必親奉三十餘年如  
一日積館金以建宗祠族人咸感其德督學吳襄優其  
行給匾旌之曰飭躬勵行縣志

孫昇撫寧人事親至孝父病湯藥親嘗衣不解帶及歿哀  
痛幾絕塋後廬墓三年每日親炊哭奠包土築墳鄉黨



稱之雍正二年 旌表 畿輔志

高士瑱臨榆人庠生父凌霄卒時士瑱年已六十廬墓三年朝夕哭奠孺慕彌篤母吳氏繼卒廬墓亦如之 縣志

李明生臨榆人監生孝友純篤母死廬墓三年雍正十一年選江南歙縣巡檢司未蒞任卒 縣志

李標生臨榆人府學增生母死廬墓三年 縣志

齊嬰昌黎人庠生天性孝友父作極亦庠生雍正間幕遊西蜀淹留七年杳無音信齊嬰日夜悲思乃徒步尋訪由京師歷山西陝甘至成都始知卒於隣水躄踊哀號痛不欲生爰至隣水啟柩扶以歸里凡八歷寒暑計程

永平府志 卷之十八 孝義 三

一萬五千餘里跋涉艱難辛苦萬狀闔邑皆稱其孝

甯瑄樂亭人幼補弟子員行已端方居家孝友族人貧乏及孤寡無倚者悉賴其鞠養焉又輸義穀以備荒施藥餌以救人善行可紀乾隆元年 恩賜八品冠帶壽八

十七歲終 縣志

孫式仁樂亭人生有至性未彌月喪父四歲喪母仁痛父母早背每朔望必哭奠於墓側乾隆五年儒學陳成德

請 旌孝童 縣志

宓彩遷安人乾隆十二年捐穀四百石貯社倉蒙縣令詳請 題旌榮以七品頂帶



王明發樂亭人爲學肯嘗奉差赴府路拾遺金不昧給還  
其主 縣志

王啟智盧龍人廬墓三年乾隆十二年督學呂公旌其門  
曰孝行可風 縣志

夏正明撫寧人天性孝友總角時卽知懷物遺母聞他人  
喪親輒爲涕泣家素貧不能攻儒業稍長卽隨父國祥  
營家計備物致敬曲盡菽水歡及父歿哀毀幾絕孝母  
益篤母有疾焚香默祝願減己筭以益親旣沒盡禮盡  
哀殯葬廬墓側朝暮哭奠三年鄉隣扶歸猶哀聲不已  
時人以孝稱乾隆二十五年 題旌

永平府志

卷之十八

孝義

三

何之樞盧龍人捐知府銜生平篤親睦族樂善好施捐貲  
設立義學延請塾師備膏火以教育寒士歷久不倦諸  
生由此入庠者二十餘人又于城北尹家莊置義塚一  
區以安游魂于乾隆二十八九年捨粥救飢助紅白  
事棺衾粧奩之費閭里德之嗣子有本由武舉捐游擊  
銜亦復善承先志奉行不怠

侍孔坐盧龍人文秀之子母王氏見節烈傳母死孔坐廬  
墓三年母節子孝鄉里稱之

王留喜遷安人其父母流徙陝西卒于長安縣留喜負骨  
歸葬備歷苦辛知縣靳榮藩爲捐俸置田以旌之



隱逸

金

趙質字景道遠相思溫之裔大定末舉進士不第隱居燕城南教授爲業明昌間章宗遊春水過焉聞絃誦聲幸其齋舍見壁間所題詩諷詠久之賞其志趣不凡召至行殿命之官固辭曰臣僻性野逸志在長林豐草金鑣玉絡非所願也况聖明在上可不容巢由爲外臣乎上益奇之賜田千畝復之終身泰和二年卒年八十五

金史

明

韓原濬字發之父應庚萬歷丁丑進士歷官監察御史學

永平府志

卷之十八

隱逸

三四

者稱西軒先生西軒公年逾商瞿未舉丈夫子元配郝孺人憂之聘於劉爲亞室是生濬幼而早慧年十七西軒公捐館舍郝孺人年已耄矣劉母佐持家秉御僮奴嚴而有則擇良師傅濬一動止不少假以故折節讀書循循如寒士甫弱冠爲邑庠生後選入太學庚午之變孺人度城不能守以五千金詣監軍犒師已而遍召族黨縱其所取僅以千金貽濬俾出亡於外曰若行以存韓氏祀吾死守門戶耳甲申神京陸沉以林慮可以避兵乃攜孺以行久之遷鄆陵繼乃買田密縣結廬大隗山之麓而居焉丙申冬卒於密縣享年六十一

鼎業



骸骨還葬西軒公墓側容城孫徵君奇逢誌其墓

崔啟亨字建初盧龍人少孤撫于族祖家天啟甲子舉于

鄉庚午

大清兵入郡城時

太宗皇帝延攬賢才聞啟亨名授灤州牧啟亨堅辭

太宗賜以乳酒十巨觥啟亨性不善飲至是連舉盡醉次日

不知所終

流寓

明

劉寅字紹和江西安福人代父戍盧龍雖在行伍勵志讀

永平府志

卷之十八

流寓

三五

書巡撫鄒來學閱其文大驚待以殊禮送之試京闈舉

酒祝曰汝此行必取解首否則無相見衆竊笑之是秋

果中第一仕至南工部尚書寅少罹窮苦故歷官自奉

涼薄食不重味一衣二十年為能儉以成廉云

畿輔志

魯紹芳浙江餘姚人性恬澹積學有蘊藉萬歷初因祖戍

山海依焉乃設教關門以戴禮訓諸庠生榆之治禮者

多出其門

畿輔志

黃象奎江西贛州人原姓李名逢月天啟辛酉舉人授兩

當知縣以土寇破城逃匿至灤州祝髮蕭寺諸生蔡君

見而異之勸勉畜髮與共筆硯開館橫經後教授撫寧



士多出其門奎邃于易精岐黃之術施藥濟人全活甚衆卒塋紫荆山下

黃衍相字六治蒲田人太學生肆力古文歌詩猶擅臨池博求名帖規撫神似以宰相黃中五薦任中書侍直遷工部郎管司經局正字時次輔魏廣微疏掾楊左爲衍相手書璫銜之傳旨切責削籍押出都門崇正初詔復官絕意仕進不赴流寓灤州年七十卒開平寺金剛經灤治前碑皆其筆云

灤州志

王元輔揚州興化人幼隨父宦遊永平遂家焉姿性過人爲文千言立就補郡弟子員家貧授徒養親曲盡誠孝

永平府志

卷之十八

流寓

三十六

郡人韓令尹應奎妻以女元輔不愛美飾韓女卽練衣椎髻躬行儉素夫妻相敬如賓有鮑宣桓少君之風焉

庚午之變没于兵

盧龍縣志

劉憲孟字聖翼浙江會稽人負性紆澹耽詩書人稱爲書愚明末入北平籍爲諸生餼於郡庠以談經餬口疾歿門生輩塋之州原歲時祭祀方仲舒之下馬陵焉

灤州志

張星炳江西人以明經謁選入都兵後無歸縛茹於永平郡城夷齊里授經自給作詩曰搖落江湖此結廬何期得傍古人居兒今授室余將老歸思多年已漸除

國朝



李孔昭玉田人明季孝廉與杜相國立德同榜安貧樂道  
教授生徒喜爲人言忠孝大義及利濟生民之業時

大清兵數入關孔昭乃隱於昌黎五峯山迨我

朝定鼎杜相國作詩諷之出仕兼餽以酒昭受其酒答以  
詩曰玉堂金馬君思我流水高山我憶君若問故人何  
所樂北牕笑傲醉斜曛竟不出

林徵韓字退思其先閩人也舊家海濱國初避海寇之亂  
薄遊章水會逆藩不靖

國家有事東南乃梯黔航楚浮家郢下流寓京師愛畿東  
山水卜居昌黎禪伏山陽謀終老焉性洒落少負不羈

永平府志

卷之十八

方伎

三七

生平足跡所歷幾徧天下年過半百遂息影蕭齋徜徉  
自適性喜吟詩率不存稿著忘餘錄以紀其遊歷述其  
見聞焉

方伎

明

趙楷樂亭人補弟子員幼聰明得麻衣訣然不欲輕以術  
售人撫寧翟中丞鵬家居時楷望見輒語人曰翟當重  
用第不終爾已而果然王司徒好問未遇時意殊鬱鬱  
楷曰君當清貴可上卿無憂不第後亦驗又自知休咎  
言如左券

縣志



梅如玉遷安黃崖人嘗從遵化牛東陽號了義授三元通天

照水經二卷不著作者姓氏云得之易水上異人爲人

相宅百無一失其言休咎如指掌嘉靖中如玉爲河內

尹以傳邑人張九一九一以付梓盧龍韓西元詳之釐

四卷

見郭造卿碣石叢談

劉冠河南儀封人祖浩從太祖取張士誠有偵寇功授都

指揮不受願就醫隨徐武寧調理軍士遂家山海冠世

其業爲醫不輕試藥餌預知吉凶時主政鄔公艱嗣寵

姬多人內有娠者嘗以疾求診脉冠曰請以麪盤印手

訖出盤冠曰此非病乃喜兆也主生男後果驗詹大司

永平府志

卷之十八

仙釋

三八

馬家居病瘵一醫自京來邀冠相陪冠一見卽告司馬

曰亟送回此醫公疾無恙司馬然而送之至潞河驛醫

爲馬軼躪死預斷諸如此類號爲神醫

仙釋

金

王川子姓王氏失其名在灤州長寧店西建庵尸解莫知

所在後有人嶺南見焉

元

白雲子姓王氏失其名初居灤州五山因鮮卑金吾元帥

請住持長寧觀闡元教至元二年賜號廣德真人



淨聰乃東漢宋氏幼削髮爲僧遊清水興國寺師藹公頗多解悟於是遍歷叢林探華嚴金剛奧旨後於雲峯得訣始歸構庵不出至元乙卯入定諸沙門爲造浮屠有月泉老衲訪道清溪爲聰作銘後至明成化初塔裂啟之止舍利二三存焉

明

楊不語灤西人性淳實甘淡泊寡言笑幼出爲僧明初時棲祥雲島古刹嘗寂然竟日初不侈口講談人呼爲楊不語亦特信其淳實未之奇後往往見二虎來卧寺門不語汲水飲之虎馴不加害始知有行至宣德間百歲餘化

永平府志

卷之十八

仙釋

三十九

馬真一自稱河南人年一百八十餘歲昔在華山學道崇正初年來入廣寧居北鎮廟採蘑菇拾野菜爲食時大旱經畧袁公崇煥曾使人致之祈雨次日果雨但語言顛狂舉止踈放袁怪之目爲妖妄羈遲山海遇關憲梁公廷棟尤加親洽與談休咎皆應講經論藝剖抉如流飲食不拘葷素取足而止詠諧之中往往皆成識兆蹤跡無常人不能測後不知所之

祥邁別號如意野老住持昌黎道者山性警敏洞悉禪機嘗著蓮花經序及註釋序成佛前祝曰某愚昧恐不能



闡發大道如文可傳碎而復合乃剪撒之須臾微風鼓  
奏如故一字不亂衆皆異之遂刊傳

卦和尚居府東陽山庵娶八妻皆死其壽百六十歲人以  
爲採補延年能前知言禍福如神有訪者輒知之作飯  
以待盜至先期呼山下莊客伏庵側聞磬聲各敲銅鐵  
器驚之遂解散又一日知盜來自避庵後高處靜坐盜  
盈擔歸至庵下百步許迷失道盡一夜力週庵四圍日  
出若有人拘者齊至卦前視之各盜如夢醒遂叩頭流  
血卦慰以善言陳利害各還物於故處而去

沈環撫寧人幼得仙術言禍福多奇中相傳于嘉靖某年  
永平府志  
卷之十八  
仙釋  
四  
值元宵日與妻弟某騎木凳騰空跨海蓬萊縣看燈環  
半夜卽回遺妻弟彼處丐食而歸呼吸導引後不知所  
終

明見號弗一四川人以國變祝髮住錫衛城隍廟中廟僻  
人晝不敢入弗一子處誦經茹淡起居宴如歷十餘年  
以五月七日坐化面如生時三日後火其龕塔于大安  
寺之東



補遺

國朝

李廷桂字瑞英盧龍人康熙年拔貢性豪爽學最博尤善風鑑嘗宴姻家指臧獲中一人語主人曰若者不爲干城定聚綠林非君家所宜有也主人遂善遣之後果爲邏者得旋脫去卒以武功顯由是世咸服其灼見而能免人於禍平生持躬儉樸賙卹里黨無吝色德容且不畏權要里有豪右欲塞巷以廣廬舍衆莫敢撓桂獨挺身相抗巷賴以存至今居民便之長子忠恩貢次子肅增生孫向春庠生曾孫美廩生

永平府志

卷之十八

人物補遺

四十一

翟正經字遷齋盧龍人平山司訓鳳翥孫也少失怙恃安貧勵行康熙癸酉登賢書壬辰成進士就職左衛教授教士先器識而後文藝爲大中丞趙公許可延爲會城義館師一時知名之士多從之及補山海教授修理黌宮捐設祭器講學論文士風丕振乾隆元年以卓異授江南建平令仁慈居心平允持法未幾卒於官士民追慕不忘其輓詞有云百日仁風周蔀屋千秋清節照郎川其事實可概見矣子九苞國學生孫賜鉞雍正乙卯科武舉人賜書廩貢曾孫曉庠生

龍巖字子翼盧龍人康熙辛卯舉於鄉慎行真言事繼母



以孝聞素慕薛文清之為人因顏其齋曰敬齋郡守滿  
公雲鷓以孝廉方正舉堅辭不就選深澤教諭盡職奉  
公振興士習歷九年卒于官輓輿旋里執紼者百餘人  
皆失聲歸卽請諸官並享於深邑七賢祠子長采次會  
孫應綸應紳俱庠生

張廷璇字衡齊廬龍人才敏性摯未冠入庠識者咸器之  
事父母曲盡色養相繼遭內外艱廬墓三年手植樹木  
封土巋然遠近高其誼從遊者衆一時知名之士多出  
其門

